

Asisko gutuna

2015ko iraila. 3. printzipioa. Eguneroko bizimodua: kanporantz, elkartasuna

83. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Bilatzaileak gara. Eta zer da bilatzen dugun hori? Aseko gaituena, aurrera bultzatuko gaituena, egiaz bizirik sentiaraziko gaituena. Eta, zer da bada hori galarazten diguna? Geure beldurrek, mesfidantzek, aurreiritziek... Baina hori guztia ezereztua geratzen da erabateko konfiantzaz jokatzeko dugunean... “Mostaza alea haineko fedea bezenute...”

Gogoetarako gaia

Konfiantza dela eta

Konfiantza oinarriko sentimendua da, jaiotzen garenetik ikasiz goazena amaren ahotsa entzutean eta haren aurpegia, eta maite gaituzten guztiena, ikustean. Geroago, bizitzako etapa ezberdinetan, ikasi egin beharko dugu konfiantza izaten, nahiz eta ez izan dena erraz, egitea tokatzen zaigun bizitza-ibilaldian.

Bizitzako hainbat unetako zailtasun eta desilusioetan are gehiago betetzen gara beldurrez eta deskonfiantzaz. Ixten gara geure baitan eta nagusitu egiten zaigu “besteak hor konpon” jarri, bizi dugun gizarte norbere-zale eta individualista honetan hain ohizkoa dena, gu geugan eta besteengan konfiantza jartzearen aurka.

Beste askotan, geure erreparatuak desagerrarazten dituzten pertsona eta egoerekin ere aurkitzen gara, eta bizitza bete eta atsegin-mailera iristeko konfiantzara eramaten gaituzte.

Konfiantza edukiz ikasten da konfiantza eta harremanetarako zailtasunak eta bizitzeko besteengan konfiantza jartzeko dugun premia

apalki aitortzen direnean, edukitzen da konfiantza.

Gurekin harremanean dabilzan pertsonak ezagutzeko goazenean ikasten dugu konfiantza edukitzen, eta pertsona horiek, nahiz eta askotan ez dituzten gure esperoak betetzen, guregandik hurbil izaten ditugu premiarik handieneko uneetan.

Konfiantza bizitzan egoteko modu hori da, beharrezko den libertatez bizitzera garamatzana, geure bizitza eta besteena kontrolatu nahi ez izateko. Konfiantza edukitzea besteengana irekita bizitzea da haiekin solidario izanez, eta haiekin bizitza, ondasunak, denbora ... partekatuz, mundua bidezkoagoa egiteko.

Konfiantza izaten ikasteko Jesusengan daukagu maisu aproposa. Hark bere etsenplu eta harreraz esaten digu Berarengan aurki dezakegula atsegin dena, eta Berarekin burutu Haren zuzentasun eta solidaritatezko Erreinuaren ezarpena.

Ebanjelioko pasartea: Mt 8, 23-27

Jesus txalupara igo zen eta ikasleek jarraitu egin zioten. Bat-batean, ekaitz gogorra sortu zen aintziran, eta uhinek txalupa ia azpian hartua zuten. Jesus, berriz, lo zegoen. Ikasleek hurbildu eta esnatu egin zuten, esanez: “Salba gaitzazu, Jauna! Galtzera goaz!”. Hark esan zien: “Zergatik zarete hain beldur, sinesmen gutxikook?”. Eta, zutiturik, haserre egin zien haizeari eta aintzirari, eta dena barebare gelditu zen. Ikasleek, harriturik, honela zioten: “Nor ote dugu gizon hau, esana egiten baitiote haizeak eta aintzirak ere?”.

Frantziskotar espiritualtasuna

«Garai honetan beste gizon zintzo bat sartu zen Elkartean, eta honekin zortzi izatera heldu ziren. Orduan, Frantzisko dohatsuak guztiak bere inguruan bildu zituen ..., binako lau taldetan banatu zituen eta esan zien: “Zoazte binaka, ene maiteok, munduko alde ezberdinetara eta hots egin gizakiei bakea ...”. Haiiek, alai eta pozik, lurreraino ahuspeztu ziren apalki San Frantziskoren aurrean. Honek, haietako bakoitza besarkatuz, gozotasunez eta debozioz esaten zion: “Utz Jaunaren gain zure kezka guztia eta berak utsaldu dizu”. Frantziskok hitz horiek esan ohi zituen, anaiei mandaturen bat ezartzen zien bakoitzean».

Frantziskok lehen anaiak binaka bidaltzen ditu, eusten eta zaintzen duen Jaunagan konfiantza jarritz. Binaka: anaiarengan ere konfiantza osoz sostengua hartuz eta Frantziskoren besarkada gozoaz bihotza altxatuz. Egin dezakete bidea libreki, iragarri bakea, besarkatu dena gozoz eta konfiantzaz. Ez dute beste segurtasunik behar; aski dute Frantziskoren hitzak errepikatzearekin: “Utz Jaunaren gain zure kezka guztia eta berak utsaldu dizu”. Eta jakin, edozein egoeratan “konfiantzaz ager diezazkiokeela batak bestearekin bere premiak; izan ere, amak bere haragizko haurra hazten badu eta maitatzen, zenbatez maiteki-roago ez ote du maite eta hazi beharko bakoitzak bere anaia espirituala?”

Otoitza

Zure esku handitan nahi dut, Jauna,
ene burua buztin bigun gisa modelatzen utzi
maitasunean neroni abandonatu.

Egizu, Jauna, egun honetan senti dezadala
zu zarela nire sendotasuna,
nire babesa arrisku uneetan.

Haurra amaren besoetan bezala bizi nahi dut,
txita amaren hegalepean bezala babestua.
Utzi niri, Jauna, zu nire Aita zarela sinesten,
txoria eta arrosa baino gehiago zaintzen nauzula
sinesten.

Utzi niri bil-bil eginda gauean egoten,
zure samurtasun handiaren goxoan.

Dena itxialdi dela dirudien une honetan,
erakutsiezadazu zu zarela nire irtenbide,

itzulirik gabeko nire joanaldi,
bizitzan gertatu zaidan gauzarik onena.

Ene burua arrats beheraren erdian utzi nahi dut
libre sentituz habiara doan txoria bezala.

Zure eskuetan nahi dut ene burua utzi
kezka guztiek abandonatu nautelarik,
zuk eusten nauzulako pozez,
zure gariaren mahaian otordu eginez.
Ene burua konfiantzan utzi nahi dut,
bai baitakit zuk ez duzula huts egiten,
leialtasun zarela hitzorduan,
poza negarraldian,
bakea lehergailuak erortzean,
inork kenduko ez didan alaitasuna.

Zu zara ene konfiantza,
bai baitakit gertatzen den oro
maitasunaren balantzan dagoela pisatua. Amen.

Gutuneko azken hitzak

“Nor baitengan konfiantzarik izan dezakezun jakiteko biderik onena konfiantza izatea da” (Hemingway)

2015ko iraileko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate iraileko erreferentzia guztiak:

1 Lk 4, 31-37	7 Lk 6,6-11	13 Mk 8,27-35	19 Lk 8, 4-15	25 Lk 9, 18-22
2 Lk 4, 38-44	8 Mt 1,1-16.18-23	14 Jn 3, 13-17	20 Mk 9,30-37	26 Lk 9, 43b-45
3 Lk 5, 1-11	9 Lk 6,20-26	15 Lk 7, 11-17	21 Mt 9,9-13	27 Mk 9,38-43.45.47
4 Lk 5, 33-39	10 Lk 6, 27-38	16 Lk 7, 31-35	22 Lk 8, 19-21	28 Lk 9,46-50
5 Lk 6, 1-5	11 Lk 6, 39-42	17 Lk 7, 36-50	23 Lk 9,1-6	29 Jn 1, 47-51
6 Mk 7, 31-37	12 Lk 6,43-49	18 Lk 8, 1-3	24 Lk 9, 7-9	30 Lk 9, 57-62



Asis Sarea

646 21 48 96

Iraileko otoitza 24an izango da